

Saksgang

Utv	Utv.saksnr.	Møtedato
Hovudutval for næring, naturressursar og innovasjon		04.06.2020

Innovasjon og næringsutvikling i Vestland fylke. Tilskot til prosjekt

Forslag til vedtak

1. Utval for næring, naturressursar og innovasjon vedtek framlegg til støtte av 27 prosjekt for tilsegn med løyving kr 16.565.500 som vist i vedlegg 1.
2. Utval for næring, naturressursar og innovasjon vedtek ramma for HNV 2020 utlysinga med to søknadsfristar. At det i denne utlysinga med frist 15. april vert fordelt kr 16.565.500, og at det i siste utlysing med frist 15. september vert fordelt kr 5.000.000. Dette er kr 65.000 meir enn budsjett for ordninga kr 21.5 mill.

Samandrag

Saka gjeld evaluering av søknader innsendt til første utlysing av prosjektstøtte med søknadsfrist 15. april 2020. Målet med utlysinga er å oppnå resultat og realisering innan innsatsområda i vedteken Handlingsplan for innovasjon og næring 2020 (HNV 2020). Det er utvikla nye arbeidsmåtar og metodikk for å balansere eit rekordstort tal søknader opp mot vedtekne «aktuelle tiltak» i planen. Vidare er det teke omsyn til eiga utlysing for innsatsområde «grøn konkurransekraft», bruk av tverrsektorielle fagpanel for søknadsvurdering og til å oppnå geografisk dekning i heile fylket. Det vert rådd til å gje tilsegn til 27 prosjekt som er vurdert å ha framifrå/svært god/god kvalitet. Total tilskotossum er kr 16.565.000. Heile ordninga for 2020 er budsjettert med kr 21.5 mill. Det er uvanleg mange gode søknader som dessverre er vurdert som avslag grunna stor interesse for ordninga i høve til budsjett.

Bård Sandal
fylkесdirektør

Mette Nora Sætre
sekjonsleiar

Saksframlegget er godkjent elektronisk og har difor ingen handskriven underskrift

Vedlegg

- 1 Tabell alle søknader tilrådd tilsegn
- 2 Tabell alle søknader tilrådd avslag
- 3 Tabell alle søknader gitt administrativt avslag
- 4 Tabell alle søknader flytta til annan finansieringsordning

Lenker:

5 [«Handlingsprogram for innovasjon og næringsutvikling i Vestland 2020 \(HNV 2020\)»](#)

6: [«Retningsliner for verkemiddelbruk Innovasjon og næringsutvikling»](#)

7: [Utlysing HNV 2020](#)

Saksutgreiing

Bakgrunn for saka

Utlysinga

Vestland fylkeskommune lyste 12.03.2020 ut midlar til innovasjon og næringsutvikling. Søknadsfrist var 15. april. Utlysinga var retta mot delfinansiering av prosjekt for regional utvikling i Vestland. Målet er å oppnå gjennomføring og resultat innan dei strategiske innsatsområda som er vedteke i «Handlingsprogram for innovasjon og næringsutvikling i Vestland 2020» (HNV 2020 - vedlegg 5).

Desse innsatsområda er;

- Omstilling
- Entreprenørskap og nyskaping
- Kompetanse og karriere
- Berekraftige byar og samfunn
- Naturressursar
- Grøn konkurransekraft og klimainnovasjon (eigen utlysing og eigne vurderingskriterier)
- Forsking for styrka innovasjonsevne (hovudsakleg gjennom eigne støtteordningar)

I 2020 er det sett av 21,5 mill. kr. til gjennomføring av handlingsplanen. I utgangspunktet var det bestemt at desse midlane skulle fordelast i tre rundar med søknadsfristar 15. april, 15. juni og 15.september. I denne utlysinga med søknadsfrist 15. april vart det sendt inn eit heile 117 søknader med eit samla søknadsbeløp på 156 mill. kr.. Dette er gledeleg, og syner rekordstor interesse for ordninga. For å få sett i gong flest mogleg av dei gode prosjekta i denne runda, er det derfor foreslått å berre ha ei utlysing til, den 15. september. Totalsummen på 21,5 mill. kr. vert fordelt med 16,5 mill. kr for denne utlysinga, og 5 mill. kr. til utlysinga med frist 15. september. Det er grunn til å tru at det kjem færre søknader til siste utlysinga, og at vi med denne fordelingsnøkkelen kan bidra til å få realisert flest gode utviklingsprosjekt.

Ved vurdering av søknader er det lagt vekt på effekten prosjektet vil ha for verdiskaping og sysselsetting i regionen eller fylket, og om prosjektet er nyskapande og framtidsretta. Klimaomsyn og berekraft er grunnleggjande premiss. Prosjekt som tydeleg bygger opp under FN sine berekraftsmål er løfta fram.

Oversikt søknader

I denne søknadsrunden er det sendt inn i alt 117, med samla søknadssum på 156 mill. kr. Søknadane er med utgangspunkt i utlysinga og handlingsplanen fordelt til dei seks strategiske innsatsområda med tilhøyrande «aktuelle tiltak» i HNV 2020. Innsatsområde «forsking for auka innovasjonsevne» er ikkje vurdert fordi «aktuelle tiltak» for dette innsatsområde er retta mot interne fylkeskommunale aktivitetar og andre finansieringsordningar.

Søknadene er fordelt slik:

Administrative avslag	Kr 90 110 805
Flytta til anna ordning	Kr 2 380 000

Innsatsområde HNV 2020	Søkt kr	Framlegg innvilga kr
Grønn konkurranseskraft og klimainnovasjon	17 998 940	6 065 000
Bærekraftige byer og samfunn	6 125 500	4 140 500
Naturressursforvalting	10 745 000	1 350 000
Kompetanse og karriere	6 576 175	3 460 000

Omstilling	3 230 000	0
Entreprenørskap og nyskaping	18 010 000	1 550 000
SUM	62 685 615	16 565 500

Med heimel i «Retningsliner for verkemiddelbruk Innovasjon og næringsutvikling» pkt. 6 (vedlegg 6) vedteke i Hovudutval for næring, naturressursar og innovasjon den 11.03.2020, har fylkesdirektør for innovasjon og næring, høve til å gje administrative avslag dersom prosjektet ikkje er innanfor gjeldande retningsliner og prioriterte satsingar. Av dei 117 innkomne søknadane vart 25 vurdert som administrative avslag/«ikkje søkegode» med samla søknadssum kr. 90.110.805. Døme på slike avslagsgrunnar er; søknader i strid med regelverk for offentleg støtte til enkeltverksemder, driftsstøtte til søkjær, støtte til anlegg og infrastruktur, manglande eigenfinansiering og at fylkeskommunal støtte ikkje har utløysande- eller regional effekt. Vidare er 3 søknader på til saman kr. 2.380.000 flytta til andre meir passande fylkeskommunale søknadsordningar som tiltakspakke Vestland, bedriftsintern opplæring (BIO midlane) og til partnarskapsordninga.

Desse søknadene er vist i Vedlegg 3: Administrative avslag og i Vedlegg 4: Flytta prosjekt

Søknadsvurdering, gjennomføring og metode

Av fleire årsaker vart det i denne søknadsrunden naudsynt å utvikle ny metodikk og verktøy. Nye element i søknadshandsaminga har vore;

- Rekordstort tal søknader
- Fast søknadsfrist, ikkje løypande handsaming
- Nytt fylke med ulike rutinar for utlysing og søknadsvurdering
- Politisk vedteken handlingsplan med spesifikke strategiske innsatsområde med tilhøyrande «aktuelle tiltak» som vurderingskriterium
- Tildeling av prosjektmidlane ved politisk vedtak i Hovudutval for næring
- Nye politisk retningsliner for verkemiddelbruk for Innovasjon og næringsutvikling
- Ynskje om fagleg breiare administrativ søknadsvurdering ved bruk av fleire sakshandsamar på tvers av seksjonane (fagpanelvurdering)
- System for meir allmente, sporing og transparens i søknadshandsaminga
- Oppgåva er løyst frå heimekontor

Før fylkessamanslåinga vart det i dei to fylka nytta ulik praksis for søknadshandsaming. I Hordaland vart i hovudsak innkomne søknader handsama forløpende, tildelt sakshandsamar, og godkjent/avslått administrativt etter delegasjonsfullmakt. I Sogn og Fjordane hadde ein fleire årlege utlysingar med politisk handsaming og i tillegg løypande handsaming av enkelte typar søknader. Fylka hadde vidare ulik bruk av den nasjonale søknadsportalen Regionalforvaltning.no og saks/arkiv systema. I denne søknadsrunden er dette harmonisert.

For å løyse utfordringane vart det etablert eit nytt opplegg for panelvurdering av søknadene etter modell frå Noregs forskingsråd. Det vart oppretta fem fagpanel for å handsame søknader innan dei seks strategiske innsatsområda i HNV 2020. Kvart av desse panela bestod av ein panelleiar og 4-5 sakshandsamarar frå alle seksjonane i avdeling for Innovasjon og næringsutvikling og frå dei ulike kontorstadene i fylket.

Oppgåvene til desse panela har vore;

- Panelleiar har kontrollert at søknadene var riktig fordelt etter dei vedtekne innsatsområda i HNV 2020
- Panelleiar har vurdert «ikkje søkerode» prosjekt etter «Retningsliner for verkemiddelbruk Innovasjon og næringsutvikling»
- Panelleiar har gitt innspel til vurderingskriterium for søknadene etter «aktuelle tiltak» frå HNV 2020
- 3 - 5 personar i kvart panel har lest og vurdert kvar søknad
- Planlagt, leia og gjennomført 2 - 4 panelmøter der ein;
 - o Lager kort resymé av prosjektinnhaldet
 - o Gjer karakter 1 - 7 på høvesvis prosjektet si «verknad og effekt» og «gjennomføring» og samlekarakter. Karakterane er basert på konsensus i panelet
 - o Kort skriftleg vurdering av kvar søknad i samsvar med karakter
 - o Rapportering alle data i eige skjema/system

I tillegg til panela har det vore ei støttegruppe som har;

- Etablert opplegg for fagpanel og vegleiingsmateriell
- Vore sekretariat for panela
- Fordelt alle søknader etter dei strategiske innsatsområda i HNV 2020
- Tre sakshandsamarar har vurdert kvart av dei foreslått administrative avslag/«ikkje søkerode» prosjekta
- Utarbeida system/skjema for lagring, samanstilling, analyse og presentasjon av alle data frå panela

Leiargruppa i avdelinga har;

- Jamleg godkjent opplegg og innretning
- Bestemt fordeling av søknadsmidlar mellom dei to utlysingane 15. april og 15. september
- Bestemt leiar og deltakarar i panela
- Fylkesdirektør har etter fullmakt gjort administrative avslag «ikkje søkerode» søknader og flytting av søknader til andre fylkeskommunale ordningar

Det har til saman vore panelvurdert 89 søknader i 19 panelmøte av 28 personar

Alle prosjekta er vurdert ut frå to hovudkriterium. Desse er kvaliteten på sjølv innhaldet i søknaden «**verknad og effekt**», og vurdering av kor godt søknaden skildrar prosjektgjennomføringa «**gjennomføring**». Det vart nytta karakterskala frå 1 -7 for kvart av desse to vurderingspunktta. I tillegg vart desse karakterane summert og vekta for alle paneldeltakarane og alle søknadene. Leiar av panelet har konkludert med samlekarakter og kort skriftleg vurdering av kvar søknad basert på konsensus.

Karakter	Dette betyr karakteren
7	Framifrå Søknaden svarer særdeles godt på kriteriet. Den har ingen manglar.
6	Svært godt Søknaden svarer svært godt på kriteriet. Den har svært få, uvesentlege, manglar.
5	Mykje godt Søknaden svarer mykje godt på kriteriet, men den har nokre få manglar.
4	Godt Søknaden svarer godt på kriteriet, men den har fleire manglar.
3	Mindre godt Søknaden svarer mindre godt på kriteriet. Den har fleire, vesentlege, manglar.

2	Søknaden svarer ikke godt på kriteriet. Den har overvekt av vesentlege manglar.
1	Dårlig Søknaden svarer ikke på kriteriet, eller den kan ikke vurderast fordi den er ufullstendig og manglar viktig informasjon.

Prosjektevaluering vil ikke være heilt ut kvantifiserbar. I den endelige vurderinga i vedlegga er det gjort ei forenkling der ein nytta «svært god», «god» og «nokre manglar». Desse kategoriane speglar i større grad presisjonsnivået i dei kvalitative vurderingane.

Til begge dei to hovudkriteria «verknad og effekt» og «gjennomføring» vart det på førehand lista opp vurderingspunkt til støtte for panela si vurdering basert på «aktuelle tiltak» i HNV 2020 .

For «gjennomføring» vart det nytta like vurderingspunkta for alle innsatsområda.

Panela vart beden om å vurdere i kva grad:

- prosjektsøker/prosjektgruppe er kvalifisert til å leie prosjektet
- prosjektplan og ressursbehov/finansieringsplan er realistisk
- det er kjønnsbalanse og fokus på fleirkulturelt samarbeid i prosjektet

Det siste punktet er ikke heimla i handlingsplanen, men bygger på eit felles fylkeskommunalt verdigrunnlag og føring i overordna planprogram ([framlegg til regional planstrategi 2020 - 2024](#) Hovudmål og strategiar Mål 1 - 3).

For å vurdere «verknad og effekt» var det satt opp ulike vurderingspunkt frå HNV 2020 for kvart innsatsområde. For innsatsområde «grøn konkurransekraft» gjeld både kriteria fra «aktuelle tiltak» i HNV 2020 og vurderingspunkt knytt til eiga utlysing.

- Prosjektet bidrar til verdiskaping og/eller sysselsetting (gjeld alle panela)
- Prosjekta bygger opp om eit eller fleire berekraftmål (gjeld alle panela)

Vurderingspunkt innsatsområde «grøn konkurransekraft»

Særlege vilkår «grøn konkurransekraft og klimainnovasjon» (eigen utlysing Grøn2020):

- Prosjektet bidrar til å redusere klimagassutslepp
- Prosjektet bidrar til å auke bruken av fornybare energikjelder
- Prosjektet bidrar til å redusere energibruken
- Prosjektet bidrar til innovasjon og/eller auka kunnskap knytt til grøn konkurransekraft
- Prosjektet fører til samarbeid, nettverk og kunnskapsdeling innan grøn konkurransekraft
- Prosjektet ikkje vil ha negative verknader på biologisk mangfald, natur og miljø

Frå «aktuelle tiltak» i HNV 2020:

- Stimulere eksisterande og bidra til nye klyngemiljø for grøn konkurransekraft i Vestland
- Skape nye og bidra i eksisterande møteplassar og nettverk for klimainnovasjon i Vestland
- Legge til rette for sirkulærøkonomi ved gjenbruk, reperasjon, sirkulasjon av ressursar og materialgjenvinning
- Legge til rette for infrastruktur for nullutsleptransport til lands, til vanns og i lufta
- Stimulere sirkulær- og bioøkonomi, som produksjon av kortreiste råstoff som før til akvakultur, produksjon og bruk av biogass, nye oppdrettsarter og bruk av avfall som ressurs
- Stimulere til å få på plass ei verdikjede for hydrogen
- Styrke verdikjeda for batteriproduksjon, mellom anna ved å bidra til etablering ny industri i fylket
- Tiltak som bidrar til at kompetanse og teknologi i petroleumsnæringa er med på å auke grøn konkurransekraft
- Arbeide for å styrke den nasjonale satsinga på karbonfangst og lagring
- Stimulere til teknologiutvikling og utbygging av fornybar energi, som til dømes utbygging av havvind, utan stor konflikt med urørt natur og andre viktige verdiar

Vurderingspunkt innsatsområde «byar og samfunn»

Frå «aktuelle tiltak» i HNV 2020

- Digital infrastruktur og mobilt breiband, slik at heile fylket får ta del i digitalisering av samfunnet
- Fleire nasjonale og internasjonale investeringar og etableringar i regionen
- Samhandling mellom byane om berekraftig utvikling og byen som motor for utvikling
- Styrke regionsenter gjennom satsing på innovasjon og næringsutvikling
- Satse på utvikling av lokalsamfunn med brei medverknad
- Styrke tverrsektorielt samarbeid mellom kommune, næringsliv og vidaregåande skule

Vurderingspunkt innsatsområde «naturressurs»

Frå «aktuelle tiltak» i HNV 2020

- Sikre auka kunnskap om det marine miljø; kartlegging av havbotn, naturressursar og biologisk mangfold for å sikre ei berekraftig ressursutnytting.
- Støtte opp om fiskeri, akvakultur og marine næringar i Vestland.
- Legge til rette for berekraftig akvakultur der målet er nye foringrediensar, full utnytting av avfallsressursane og reduksjon av miljøeffektane.
- Legge til rette for lønsamt og berekraftig havbruk - «frå raud til grøn sone»
- Innsats for å fremme vilt som næringsgrunnlag
- Auka lokal verdiskaping med attraktive arbeidsplassar i landbruket i Vestland
- Vestland skal oppretthalde sin del av den nasjonale matproduksjonen, og arbeide for fleire og meir lønsame bedrifter som tek opp i seg nye trendar og moglegheiter
- Arbeide for eit klimaklokt og miljøvennlig Vestlandslandbruk, og styrke rekruttering, omdøme og kompetanse i næringa

Innsatsområde «Omrstilling, Entreprenørskap og nyskaping»

Dette panelet har handsama to innsatsområde i HNV 2020

Frå «aktuelle tiltak» i HNV 2020

Vurderingspunkt «omstilling»:

- Vekstpotensial, innovasjonsevne og internasjonal konkurransekraft
- Skape ny vekst og auka sysselsetting i etablerte små og mellomstore bedrifter, med vekt på prioriterte bransjar og dei regionar der behovet er størst
- Styrke næringslivet i arbeidet med ny teknologi, auka digitalisering, automatisering og bruk av kunstig intelligens
- Støtte berekraftige prosjekt, nye teknologiske løysingar.
- Sikre samarbeid og gode møteplassar mellom næring, forvaltning, forsking
- Utvikling av nye landbaserte biologiske produksjonar som mikroalgar, biogass og forsking.

Vurderingspunkt «entreprenørskap og nyskaping»:

- Fleire gode gründerar
- Fleire vekstkratige bedrifter
- Fleire innovative næringsmiljø
- Stimulere til gründerkultur i utdanningsløpet frå barneskule til universitet.
- Styrke satsinga på internasjonale gründerar
- Stimulere til vekst i gründerselskap, sikre langsiktig kapital til vekst i gründerselskap
- Stimulere til gründerkultur innan sosialt entreprenørskap
- Styrke satsinga på internasjonale gründerar
- Utvikle næringsklynger og koplinger mellom nettverk/klynger/næringsliv og FoU
- Styrke innovasjonsevna i næringsliv og offentleg sektor med tettare kopling med FoU-miljøa.
- Auka talet internasjonale næringsetableringar i heile fylket.

Innsatsområde Kompetanse og karriere

Frå «aktuelle tiltak» i HNV 2020

- Prosjektet avdekker kompetansegap i arbeidslivet som grunnlag for utvikling av konkrete etter- og vidareutdanningstilbod og nye utdanninger.
- Prosjektet mobilisere arbeidslivet og utdanningsinstitusjonane til å delta i nasjonale utlysingar knytt til etter og vidareutdanning.
- Prosjektet legger til rette for at entreprenørskap og innovasjon får større fokus i heile utdanningsløpet.
- Prosjektet bidrar til erfaringsutveksling nasjonalt og internasjonalt og teste ut modellar for kompetanseutvikling i arbeidslivet og førebygging av fråfall i vidaregåande skule.
- Prosjektet bidrar til å byggje kompetanse hjå regionale aktørar til å ta i bruk verktøy tilgjengeleg gjennom EU sitt opplæringsprogram Erasmus+.
- Prosjektet bidrar til vidareutvikling av kompetancesenter i fylket.
- Prosjektet bidrar til å vidareutvikle modellar for livslang læring gjennom samarbeid mellom utdanningsinstitusjonar og lokalt næringsliv.

Prioritering av søknader og fordeling mellom innsatsområda

Alle resultata frå panelvurderingane er analysert med omsyn til å identifisere prosjekta med best kvalitet frå vurderingane til fagpanela (høgast score på samla vurdering skala frå 1-7). Deretter er søknadssum til kvart av innsatsområda justert best mogleg etter søknadssum til det aktuelle innsatsområdet. Det vil til dømes sei at om ein innan eit innsatsområde har liten søknad og ikkje søker med høg kvalitet, vil forholdsvis mindre midlar gå til å finansiere prosjekt innan dette innsatsområde. Innsatsområde «grøn konkurransekraft» har både eigen løyving kr. 3,5 mill og part av midlane frå HNV 2020 budsjettet. Desse prioriteringsskriteria er så balansert ut frå prosjekta si storleik slik at ein oppnår best mogleg utnytting av totalbudsjettet på kr.16.565.000.

Resultatet er at ein innanfor opphavleg budsjetttramme på kr. 16.500.000, med eit tillegg på kr. 65.000, kan finansiere alle prosjektsøknader innan alle innsatsområda med høgste score på søkerkvalitet karakter «svært god». Det vil sei søker som er vurdert å treffe svært godt på oppfylling av «aktuelle tiltak» i HNV 2020. Desse søkerne er vurdert å ha svært få, uvesentlege, manglar. I tillegg er det rom for å finansiere eit ekstra prosjekt med score «god» innan innsatsområde «grøn konkurransekraft». Innan innsatsområde omstilling var det ingen søker med score betre enn «god» og berre 5 søker totalt. Ut frå premiss om at berre dei kvalitetsmessig høgast vurderte prosjekta i innsatsområde med høg interesse vert prioritert, er det tilrådd å ikke tildele midlar til søkerne innan innsatsområde «omstilling». Ein kan likevel hevde at mange av dei «aktuelle tiltakspunkta» under «omstilling» er nådd gjennom dei tilrådde prosjekta for dei andre innsatsområda.

Dei 27 foreslått prioriterte prosjekta er vist i vedlegg 1. Prosjekta har i tillegg til høg treff på vurderingspunktene brei regional verknad i heile fylket.

Dei 63 søkerne som er tilrådd ikkje støtteverdige (Vedlegg 2) har også høg part god kvalitet. Mange av desse søkerne ville ved andre omstende og større budsjett vorte vurdert søkerbare og tilrådd. Det er å håpe at desse initiativa kan realiserast utan fylkeskommunal støtte, eller at ein kan gå i dialog og nytte resultata på anna vis.

Erfaringar

Utvikling av ny metodikk og opplæring har vert ressurskrevjande over ei kort periode med utfordrande arbeidsforhold. Det er likevel klart at nye system har potensial til både å forbetre resultata og gje betre grunnlag for rangering av søkerne. Når systema, rutinar og kompetanse er etablert kan ein og forvente rask og effektiv handsaming.

Det er utfordrande å vurdere søkerne opp mot eit fleirdelt handlingsprogram med stort tal «forslag til aktuelle tiltak» i prioritert rekkefølge. Det kan vurderast å seinare etablere handlingsplan med retningslinjer spesifikt retta mot ei meir operasjonell og prioritert utlysing. Vidare kan det vurderast å tydeleggjere retningslinene for søkerne med mål om at dei vert enklare å vurdere «søkerbare» prosjekt og at retningslinene betre vert kommunisert til søkerar i utlysing.

Det er gjort ei eiga undersøking der erfaringar med opplegget er kartlagt.

Vedtakskompetanse

I følge «Reglement for folkevalde organ og delegering Vestland fylkeskommune» skal hovudutval for næring, naturressursar og innovasjon, med heimel i kommunelova § 5-7., vektlegge

arbeidsområde næringsutvikling og grøn konkurranseskraft. Utvalet har avgjerdsmynne i tilskotssaker vedkommande regional næringsutvikling.

Vurderingar og verknader

Økonomi: Saka gjer framlegg om fordeling av budsjetterte midlar for utvikling av næringsliv, innovasjon og grøn konkurranseskraft. Det er venta at tildelinga er bidrag til vekst i regional verdiskaping. Saka gjer framlegg om å omdisponere kr. 65.000 frå anna eller same tilskotsordning for å styrke og balansere budsjettet.

Klima: Klima og berekraft er premiss for framlegget til prioritering av prosjekt både gjennom Handlingsplan for innovasjon og næringsutvikling 2020 og utlysing Grøn konkurranseskraft. Det er venta at resultata frå fleire av prosjekta er bidrag til reduserte klimagassutslepp. Prosessen for utarbeidning av saka har føregått utan reiseverksemd

Folkehelse: Likestilling og fleirkulturelt omsyn er veklagt som eige punkt i vurdering av gjennomføringsevne for prosjekta

Regional planstrategi: Tildelinga har skjedd i tråd med [framlegg til regional planstrategi 2020 - 2024](#) Hovudmål og strategiar Mål 1 - 3

Konklusjon

Det vert rådd til å gje tilsegn til 27 prosjekt som er vurdert å ha framifrå/svært god kvalitet. Total tilskotssum er kr 16.565.000. Heile ordninga for 2020 er budsjettert med kr 21.5 mill. Det er uvanleg mange gode søknader som dessverre er vurdert som avslag grunna stor interesse og avgrensa budsjett.